

DSA ta anuncia fayecimento di nos Director Sr. Carlyle De Coteau

ORANJESTAD: Cu inmenso dolor na nos curason Directie Scheepvaart Aruba (DSA) ta anuncia fayecimento di nos Director Sr. Carlyle A. De Coteau.

Na bida un persona sumamente dinamico, alegre, un persona cu unda cu e cana drenta ta haci un impacto pa su forma espontaneo y amical. Carlyle algun siman atras a haya e noticia cu e mester biaha urgente pa Colombia pa asina haci un operacion grandi.

Diabierna ultimo Carlyle a

opera, sinembargo diadomingo su situacion a bira critico y dialuna anochi e tristo noticia a drenta cu Carlyle a bay laga nos. Carlyle a yega DSA na juli 2010 como miembro di e Management Team y a lidera esaki te cu december 2013. Dia prome di Januari 2014 Carlyle a wordo nombra director di DSA.

Durante su trayectoria na DSA el a logra hunto cu su team pa reorganisa DSA, a percursa pa continuacion di e Twinningprojeckt cu Hulanda pa reenforza DSA y haci DSA un Administracion Maritimo

moderno y di calidad. Registracion y inspeccion di tur botonan a keda optimalisa y digitalmente modernisa.

Carlyle a desaroya un contacto estrecho cu tur stakeholders den industria maritimo di Aruba y tambe a cristalisa varios di e diferente proyectonan for di e rapport di Maritieme Toekomst Aruba. A traha riba leynan maritimo nobo, e.o. e “Haven- en Rede verordering”, unda cu a cuminsa desaroya economicamente nos awanan teritorial, cu pa e ultimo 2 añanan ta treciendo entrada substancial pa nos Pais Aruba.



Segun e añanan tabata bay pasando Carlyle a haya un pasion profundo pa e mundo maritimo. E tabata para firme momento cu mester a defende e patrimonio di Aruba y semper tabata cla y raspa ora di trece su punto di bista dilanti. Su carisma, dinamismo y perseverancia tabata virtudnan cu nos tur a admira di dje. Carlyle tabata un ser humano excepcional. DSA kier a extende palabra di profundo condolencia y hopi forza na su señora Yanaika, su señora mama, rumannan y demas famia, cu Carlyle sosiega na paz.